

فرسان القرآن | الحلقة (10) | #فرسان_العشر | د . حازم

شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. الله اكبر الله اكبر الله اكبر لا اله الا الله
الله اكبر الله اكبر والله الحمد. يا اخواني في الله احنا الوقتي في ليلة من العشر ليالي اللي ربنا اقسام بهم في اول سورة الفجر. احنا
في ليلة - 00:00:00

الليالي العمر بتاعتنا ليلة من ليالي العمر بكل معاني الكلمة. عايزين النهاردة بازن الله نبدأ بمشهد لا ينسى في التاريخ. التاريخ مش
هينساه ابدأ ابدأ. مشهد فيه سيدنا ابن بشر الوحيد كل الجيش نام هو اللي لسة صاحي. الجيش كله نام هو الوحيد اللي بيحرسه.
وقف وهو بيحرس الجيش كله وقف يصلي ويقرأ بالقرآن. سيدنا عبد الله ابن - 00:00:37
واقف احد المشركين بيراقبه لقاها الوحيد اللي صاحي في الجيش. قال انا لو قتلت ده الجيش كله هيتكشف. رمى عليه سهم. ممكن
يكون السهم وقع في رجليه. ممكن يكون كسر ضلع - 00:00:57

دروع وممكن يكون جه في اي مكان من جسمه. بس يقينا وجعه. يقينا نرف دم. يقينا ههد حياته. وفي اعجب رد فعل يمكن ان
يتوقعه اي انسان ينزع عباد ابن بشر السهم ويرميه على الارض. ويرجع يكمل قرابة القرآن ثاني. المشرك يرميه بسهم ثاني. سهم ثاني
جه في مكان ثاني - 00:01:07

جسمه قطع ايه في جسمه؟ نرف ايه من جسمه؟ قلبه في انهي جزء من جسمه وفي مشهد عجيب جدا ثاني. ينزع السهم ويرميه
ويرجع يكمل ثاني المشرك يعملها مرة تالتة يقينا يا جماعة كانت حياة عبيد ابن بشر في خطر. يقينا شاف الدم نارف من ثلاث اماكن
من جسمه. يقينا هتلاقي حنة من عضمه اتكسرت - 00:01:27

من لحمه تمزق ومع ذلك يرجع ثاني ينزعه. ثم يوقف يوقف غيره من الجيش. ويقول لولا لولا ان خفت ان ينكشف جيش المسلمين

لاحبت الا اترك هذه السورة ولو خرجت فيها روعي. لو روعي خرجت يا جماعة هم دول فرسان القرآن ده - 00:01:47

حقيقي هو ده الحب الصادق للقرآن هو ده الارتباط الحقيقي بالقرآن. احنا الليلة بازن الله مع اول حلقة عملية في سلسلة فرسان
العشر. فرسان طب انت بادئ بالقرآن ليه؟ بادئ بالقرآن لان احنا في معركة يا جماعة. ده سلاحك. ده شحناك اللي هتقدر تواصل
المعركة. به بازن الله. في كلية طب. لما الطلبة - 00:02:07

ادخلوا في سنة اولي يقولوا لهم ثلاثين او اربعين واحد هيتعينوا في الجامعة. ست سنين بيوصلوا الليل بالنهار. بيقتلوا نفسهم عشان
يبقوا من الثلاثين واحد دهمت. طب لما الرسول قال لنا سبعين - 00:02:27

الف واحدة يدخلوا الجنة بلا حساب ولا عذاب؟ ليه ما قتلناش نفسنا؟ ليه يا جماعة؟ معلش يا جماعة هنتعب شوية هنتحمل شوية
هنيجي على دنيتنا شوية. هنيجي على نومنا شوية - 00:02:37

ولكن في الاخر هنسمع الكلمة اللي منى قلب كل مؤمن امتى يسمعها؟ نسمع ادخلوها بسلام بسلام خلاص كل اللي بنسمعه للدار الاخرة
ده ما لناش دعوة به. ادخلوها بسلام فرسان القرآن عشان نبقي فرسان في القرآن باذن الله لازم نعرف ان كل حاجة في القرآن بتملئ
صحيفتك بالسواب. لو قرئت القرآن صحيفتك تتملئ حسنات. لو قرئتها - 00:02:47

مجرد انك تفتحي وتقعدي تقري. قال رسول الله صلى الله عليه وسلم ايجب احدكم ان يغدو الى بطحان او الى بطحان او العقيق.

صحيح مسلم. مكان مليون جمال بناقتين كوماوين الصحابة قالوا يا رسول الله يا سلام ده النقاط الكوماء ديت آآ يعني يعني زي

العربيات الاحدس موديل الوقت كده ببلاش يا رسول الله ده حاجة عظيمة جدا - [00:03:14](#)

فلان يغدو احدكم الى المسجد فيقرأ آيتين من كتاب الله او يعلم خير له من ناقتين كوماوين. وثلاث خير من ثلاث واربع من اربع عارفين يعني ايه يا جماعة؟ يعني يا شباب لما اقول لكم الوقت ايجب احدكم ان يغدو الى توكيل مرسيديس او توكيل بي ام فيأتي

بعربيتين اتنين دورين وبيرة اتنين جيبيشي روكي - [00:03:34](#)

فلان يغدو احدكم الى المسجد فيقرأ في جلسة ضحى ولا ما بين مغرب وعشاء فيقرأ آيتين خير له من عربيتين ثلاثة خير من ثلاثة جيب شروكي يعني ايه يا جماعة؟ يعني الدقة قوماء زي العربية اللي احدس موديل دلوقتي يعني سورة النبأ احسن من اربعين عربية

شبح؟ يعني - [00:03:54](#)

سورة النازعات احسن من ستة واربعين عربية آآ بودرة ولا عيون يعني صورة عيب احسن من اتنين عربية اكس فايف يعني ايه يا جماعة وذلك كل يوم يا رسول الله كل يوم قدامنا الفرصة ديت. يا جماعة قراية القرآن في المسجد في جلسة ضحى او في اي وقت

من اليوم. بتملى صحيفتك حسنا. طب لو قرئت - [00:04:14](#)

في بيتي تملى صحيفتك حسنا. ازاي؟ شوفي رسول الله صلى الله عليه وسلم عليه الصلاة والسلام. عليه افضل الصلوات من رب العالمين الى يوم الدين. رسول الله يا جماعة. رسول الله لما وصانا بالقرآن بالكتاب العظيم ده. الواحد حس ان هو مكسوف يا جماعة.

مكسوف - [00:04:34](#)

المرأة التركية اللي قابلت واحدة عربية في الحرم وهي بتقول لها بتبكي بتقول لها انا ما اعرف اقرأ قرآن. انا اروح النار اما اعرف اقرأ قرآن ما كسفتكيش الراجل المشلول اللي كان يبكي وهو في المستشفى لانه مش قادر يقلب صفحات القرآن. ما كسفتكش منزرا اليهود

وهم رايعين يحاصروا قرية من قرى الفلسطينيين - [00:04:51](#)

وينزل الجنود وهم محاصرين القرية من دباباتهم. كل واحد يممسك التوراة بتاعته. قدام كاميرات العالم كلها. ويفضلوا يتهزوا وهم بيقرأوا التوراة في نفس واحد. ما كسفنناش من الناس دي وهي بتحترم كتابها بتاعها. واحنا القرآن بتاعنا هاجرين وبنشيل التراب من

عليه. ما اتكسفنناش ازاي يا جماعة؟ ازاي؟ حارمين نفسنا ليه؟ حارم نفسك لان - [00:05:11](#)

كتاب اللي ربنا سبحانه وتعالى قال عليه ونزل من القرآن ما هو شفاء ورحمة. حاربي نفسك ليه من الكتاب اللي ربنا قال عليه؟ قل هو للذين امنوا في يا جماعة احنا حارمين نفسنا. آيات فضل القرآن في القرآن لا تحصى. لا تحصى مهما اعدناها. قل لان اجتمعت

الانس والجن على ان يأتوا بمثل هذا - [00:05:31](#)

لا يأتون بمثله لا يأتون بمثله. عارف حارمين نفسنا ليه؟ حارمين نفسنا ليه؟ انت احسن كتاب قريته في حياتك ايه؟ قصة آآ اللي خدت بها مسلا توني مرسي مسلا نوبل سنة كذا دي احسن مسلا قصة راتاها في حياتك مسلا يعني طيب لو قراتيها تاني تزهقي تالت لأم ما

عدتش اطيح اقرها. القرآن بنقراه الف مرة ما بنزهقش - [00:05:51](#)

مش كلام ربنا. ليه يا شباب؟ ليه يا شباب بقينا بنقرا الجرنال بيتكلم عن الرياضة الماتش بتاع بالليل؟ ست صفحات نقراهم ما نزهقش. ونقرا القرآن نزهق ليه يا شباب؟ لو الكتاب بيتكلم عن المغنيين والمغنيات والممسليين والممسلات واخبارهم واكلهم وشربهم

نقراهم وما نزهقش ونقرا القرآن نزهق ليه يا جماعة - [00:06:11](#)

يا جماعة ده القرآن بالحرف سوايه بالحرف. الحرف بعشر حسنا. لو عملنا اعلان الحرف بعشرة جنيه. الناس هتقتل بعضها على المصاحف. امال الحرف بعشر حسنا. ليه يا جماعة؟ ليه بنزهق في عملة الاخرة؟ وطمعانيين في عملة الدنيا. الاية. الاية بدرجة في

الجنة. درجة يعني عدد - [00:06:31](#)

الجنة على قد عدد آيات القرآن. قرئت ربع آيات القرآن واتقنتها تطلع ربع درجات الجنة. نص آيات القرآن نص درجات الجنة. طب لو انا ما بعرفش اقرا في القراية. ضعف الثواب. يعني درجتين في الجنة. يعني ممكن اللي بيقرأ وهو بيتأتأ ده هو له درجتين في الجنة

لانه له ضعف الثواب. يا جماعة احنا عايزين - [00:06:51](#)

افتح ذهننا. لو قرئت القرآن في بيتك كده اهو وفي بيتك كدهوت صحيفتك تتملى حسنات. طب لو بكيت وانت بتقراه ؟ ياه! ده موضوع ثاني كبير جدا بقى. لو الدمعة من عينك وانت بتقرا. كلام ربنا سبحانه وتعالى تحرم عينك على النار. يا الهي! طب لو فاضت عينيك بالدموع بقى وانت بتقرا لوحك كده تقف في - [00:07:11](#)

ظل عرش الله ورجل ذكر الله خاليا ففاضت عيناه. والقرآن دا ذكر لله سبحانه وتعالى. تقف في ظل عرش الله. انا فاكر اول مرة حضرت درس من الدروس كبيرة. الشيخ طلع اتكلم وقف يصلي بنا. اللي على يميني بيبيكي. واللي على شمالي بيبيكي. انا قلت ايه ده! انا كنت فاكر نفسي ايه بقى ملتزم كل بقى في اول الدين بقى! ايه ده! هو الناس دي - [00:07:31](#)

هو القرآن بيتعامل معه كده! هو القرآن ممكن يعمل في القلوب كده! هو فيه ناس لما بتسمع القرآن بيحصل لها كده! رحت بيتي ثاني يوم قفلت على نفسي باب الشقة لوحدي! وقفلت - [00:07:51](#)

نفس باب الاوضة وفتحت سورة الفجر. وقلت والله لانا معيط ما فيش. يا رب يا رب اعني يا رب الفرج من عندك يا رب. لغاية ما الواحد بدأت عينيه تدمع - [00:08:01](#)

كده وهو بيقرا يا ليتني قدمت لحياتي الايات بتاعة الاخرة في اخرها. تباكى. لازم نبكي يا جماعة. لازم العشر تيام دول نبكي. لازم قلوبنا بازن الله تتفتح على القرآن في العشر - [00:08:11](#)

ايام دول. القرآن هيملى حياتك حسنات. هيملى حياتك بركات. ده النزر في المصحف بس عبادة ولو لم تقرا لمجرد النظر في المصحف بدون قراءة بيوملا صحيفتك حسنات. كل حاجة كل حاجة بتتملى الصحيفة حسنات. طب لو قرئت القرآن في الماء يعني يعني في جلسة ضحى بكرة كده بعد الازكار قعدت اقرا القرآن كده وفتحت لي ساعة. اسمع بقى يا سيدي. ما اجتمع - [00:08:21](#)

قوم في بيت من بيوت الله يتلون كتاب الله المصحف بتاعك فين؟ مصحفك فين يا جماعة؟ اللي هيتزبط الايام دي المصحف بتاعه مش معه هيروح شمس انتم احرار. المصاحف دي ده دي العدة بتاعة المعركة تمشي تمشي في معركة من غير سلاح! ده انت تبقى جندي مجنون. لو مشيت في معركة من غير سلاح. ما اجتمع قوم - [00:08:46](#)

بيت من بيوت الله يتلون كتاب الله ويتدارسونه بينهم الا نزلت عليهم السكينة وغشيت نزلت عليهم السكينة نزلت على رسول الله وابو بكر في الغار لما المشركين كانوا لو نظر احدهم تحت قدميه لرأهم ما اتهزتش شعرة منهم لما السكينة تنزلت وغشيتهم الرحمة زي - [00:09:06](#)

الرحم بيخشى الجنين كده تبقى رحمة ربنا مغرقاتك مغطياك. في الدين والدنيا والاخرة. تخيل لو غشيتك رحمة ربنا. يبقى حالك في الدنيا بقى شكله ايه وحفتهم الملائكة لو انت وسط مجموعة من الناس فرحانين بك قوي يحفوك ويحاوطوك. او مجموعة من الناس خايفة عليك اوي يحبوك ويحاوطوك - [00:09:26](#)

الملايكة مش عايزة الشياطين تدخل بقى عليك. بعد ما وصلت للحالة دي. الملايكة فرحانة بك اوي بتحفك الملايكة. جربت الاحساس دا بقلبك مرة. وذكرهم الله فيمن الله! طب يا رب ده انت مليارات المليارات والملايكة بتعبدك ليل نهار في السماوات يا رب! هي ناقصة على عبادتي انا! ربنا بيحبها منك انت! ربنا بيحبها منك انت ليه - [00:09:46](#)

ان فيها مجاهدة للنفس ومجاهدة للنوم ومجاهدة للشهوات. ربنا بيحبها مننا يا جماعة. يبقى نعمل اللي ربنا بيحبه ولا لأ؟ يعني طب وما اشتبع في عربية من العربيات ماشيين يلفوا بها ومشغلين شريط اجنبي ما حدش منهم فاهم حاجة بس قاعد يهز راسه معه كده وخلص. وقاعدين يرددوا - [00:10:06](#)

وخلص الا نزلت عليهم الهموم والكآبة وغشيتهم الاكتئاب وحفتهم الشياطين وسودت صحفهم بالذنوب والعياذ بالله. يعني لما تقابل ربنا يا حبيبي. الشاب اللي ما بيقراش قرآن. الشاب اللي ما بتقراش قرآن. لما تقابل ربنا تقول له ايه؟ اللي هاجر القرآن. يقول لربنا ايه؟ نقول له - [00:10:26](#)

يا رب اصل لنا ما كنتش فاهم القرآن امال الشباب الوقتي امال كنت فاهم اغاني جينا فار لوبيز واغاني هنريكي جلاسيوس كنا فاهمين كان الشباب بي فهموا الكلام ده ما هم شاغلين الكلام ده ومش فاهمين منه اي حاجة ولا كلمة - [00:10:46](#)

اشمعى القرآن؟ اشمعى القرآن اللى تسعة وتسعين فى المية من آياته مفهومة لاي انسان. حتى اللى ما نالش اى قصة من التعلیم. ده اللى ما كنتش فاهمه واللاغانى الاجنبية كنت فاهمها وقاعد تهز راسك معه وخلص. ما اشتهع قوم فى بيت من بيوت الله. القرآن هيملى حياتك بالحسنات. كل حاجة. طيب لو تدبرت القرآن لو قریت - [00:10:58](#)

بقى. لو قریتى بقلبك بقی لو قریت وعشت مع الايات تملی صحيفتك حسنات احد السلف قال رب اية سبقت الف اية ابن القيم جه قال لا ده مش اية تسبق الف اية. ده قال اية بتفكر وتفهم خير من ختمة كاملة. بغير تفكر - [00:11:18](#) ولا تفاهم. بيقول لك ان الاية اللى بتدبر واحساس وقلبك اتخلع من خشية الله فيها والخشوع فيها. احسن من ختمة ست الاف متین ستة وتلاتین اية. بدون تدبر يعنى ايه يا جماعة؟ يعنى الحرف بعشر حسنات. طب ينفع ببقى بسبعمية؟ اه ينفع ازاى؟ على حسب حال قلبك وانت بتقرى. على حسب خشوع قلبك وانت بتقرا - [00:11:38](#)

على حسب حياة قلبك مع معاني الايات وانت بتقرا. يبقى مضاعفة القراءة والسواب على قد حال القلب واحنا بنقرا يا جماعة التدبر يا جماعة. طيب ولو حفزت القرآن يبقى لى سواب حفز القرآن وفهمه بيملى صحيفتك حسنات. كما قال رسول الله صلى الله عليه وسلم الذى ليس فى جوفه - [00:11:58](#)

شيه من القرآن كالبيت الخرب. البيت الخرب. البيت الخرب ده متصدع متشقق. ممكن ينهار فى اى لحزة. قدام اى فتنة تقع تنهارى. قدام اى وتعرض لك تقع تنهار وتقع فى الفتنة. ليه؟ لانه انت من جوة ما فيش قرآن يحفزك ويحميك. حفز القرآن يا شباب هيحميكم من الفتن. هيعصمك من الوقوع فى الكبائر - [00:12:18](#)

هيعصمك من الوقوع فى الشهوات. كالبيت الخرب. البيت الخرب ده بيت ما فيش حد ساكن فيه. الملائكة ما تسكنش قلبك. معاني الايمان الطاهرة ما تسكنش قلبك. طب البيت ده بيسكن فيه الحشرات والتعابين والحيات والعقارب. الشياطين هي اللى تبقى ساكنة. الشهوات والشبهات هي اللى تبقى ساكنة والعياز بالله. طب البيت الخرب - [00:12:38](#)

من برة شكله وحش اوى اوى ما حدش يعنى خرابة. تخيل لو قلبك كده يوم ما تبلى السرائر وقلبك يتعرض على الله. تبص تلاقى وقلبك خرابة. ترضى انك انت تبقى كده كالبيت الخرب. يعنى طب ننقز نفسنا ازاى بقراءة القرآن - [00:12:58](#) كثرة القرآن او حفظ القرآن وفهم القرآن. طيب لو انت لو انت فهمت القرآن لآ اللى بي فهم القرآن ده بقى موضوع تانى خالص ده بيبقى من اهل الله. اهل الله هم اهل - [00:13:16](#)

اهل الله اهل القرآن هم اهل الله وخاصته. ده ده موضوع تانى خالص بتوع فهم القرآن دول موضوع تانى خالص. ولو ختمت القرآن زي العشرة الاوائل من زي ان شاء الله اللى بيختم القرآن فى الاسلام بطل. الرسول سماه الحل المرتحل. يعنى اللى كل ما يحل لآخر المصحف يرتحل - [00:13:26](#)

اوله تانى ده من احب العباد الى الله. من احب العباد الى الله الحل المرتحل. اللى هو بيختم اللى بيختم المصحف فى الاسلام ده بطل. بطل عايضة تبقى بطله بقى مش عايضة تبقى بطل وتختم طيب ولو حافظت على ورد للقرآن يومي صحيفتك تتملى - [00:13:46](#) حسنات. حافظ على ورد. يا جماعة يا جماعة الصحابة الرسول عليه الصلاة والسلام قال لهم الصحابة يا جماعة ضحوا بحياتهم بحياتهم برقبتهم. مصعب انتم عشان الجنة. حمزة استشهد عشان الجنة. جعفر استشهد عشان الجنة. ابن الرواح استشهد عشان الجنة. الرسول كان بيقول لهم ضحوا برقبتهم. انا باقول لكم ضحوا بوقتكم. انا باقول لكم انتم شيه من - [00:14:06](#)

وقتكم وهم كانوا بيقدموا واحنا ما بنقدمش يا جماعة. ازاى! تخيل يا حبيب قلبي! يا شاب يا اللى انت مفتون بشهوات الجامعة! لو الصبح كده كل يوم ميعاد وردك الصبح بعد الفجر - [00:14:26](#)

فتحت المصحف وقعدت تقرا كده مسلا ايات زي ايات وعباد الرحمن الذين يمشون على الارض هونا. واذا خاطبهم الجاهلون تخيل انت لو قریت الايات قبل ما تنسى. لو قریت ان زلزلة الساعة شيه عظيم. هتفكر الف مرة. قبل ما تبص اى بصة حرام. لو قریتى قبل ما تنزلى - [00:14:36](#)

كلية او تنزلى اى مشوار عندك الصبح لو قریتى قبلها ولهم ما تشتهيها وفيها ما تشتهيها الانفس وتلذذ العين. تخيلي كده الضياع بدء

هتضيي ورد من الورد الادان هيدن وهتتأخري عنه في اليوم ده. يا جماعة اللي بيقرأ القرآن ده قلبه منور طول اليوم. حياته منورة طول اليوم. عايزين قلوبنا تنور بكلام - [00:14:56](#)

ربنا سبحانه وتعالى قلوبنا تنور لا حسد الا في اثنتين. رجل اتاه الله القرآن حسد. حسد! هو الحسد ده مش على الجمال! الحسد ده مش على الشهادات والمراكز. الحسد ده مش على الفلوس والسروات والاطيان والعقارات والفلل. كل ده ولا حاجة. في الصلوات اللي القرآن هيدوها لك - [00:15:16](#)

في ميزانك يبقى هو ده الحسد الحقيقي. هي دي السروة الحقيقية يا جماعة القرآن هينقزنا في مواقف في قمة الخطورة. في قمة الخطورة. مش الرسول بيقول ان القرآن بيأتي شفيعة شفيعة لاصحابه. عارفة يعني ايه شفيعة؟ شفيعة ده يعني واحد - [00:15:36](#) في الدنيا كان هيروح منه وزيفة وواحد شفع له. فالوظيفة جت. وواحد كان هياخد خصم او رقد. واحد شافها عند المدير فشل الخصم او الرقد. تخيلوا لو هيشفع لك واحد - [00:15:51](#)

وجيه. طب لو هيشفع لك وزير الله اكبر. طب لو هيشفع لك القرآن عند ربنا يوم القيامة ايه رأيكم يا جماعة؟ بس سورة الاخلاص تشفع ازاي الواحد برأي؟ سورة التوبة تشفع - [00:16:01](#)

لواحد عاصي ما بيتوبش. سورة البقرة آيات الطلاق فيها تشفع ازاي؟ لواحدة مصممة انها تطلع طليقها مفلس ومديون من المحاكم او هو مصمم انه يخليها زي البيت الوقف. لا هي مطلقة ولا هي متجوزة. تشفع ازاي للناس اللي بالمنز ده؟ عايزين الشفاعة اللي يهاجر القرآن خد بالك. اللي بيهجر القرآن - [00:16:11](#)

ياخد باله يا جماعة ان الوزير بدل ما يتدخل عشان الوزيفة يتدخل عشان تترقد. القرآن يشفع القرآن يشفع ضدك. القرآن يبقى حجة اصل كده هتقابله. كده كده هيصاحبك بس يا هيصاحبك عشان يسوقك للجنة يا اما والعياز بالله للنار. يا يا هيجي يوم القيامة. تخيل ساعة الحشر والاهوال - [00:16:31](#)

والشمس والحر والعرق وتلاقي القرآن جاي. الحمد لله فرجت. لا ده جاي سوق لجهنم والعياز بالله. ليه؟ لانك كنت هاجر. الرسول هيقدم فيك شكوى ربنا يوم القيامة لو انت هاجر لكتاب الله سبحانه وتعالى. القرآن مش هيجي لك ساعة البعس. يقول يشفى عند ربنا ولا هيجي لك يقول لك انا صاحبك القرآن خلاص مش - [00:16:51](#)

اعرفك هيعرفك ليه؟ فيا جماعة هجر القرآن هجر القرآن قضية خطيرة جدا القرآن يا شباب القرآن يا اباة يا امهات القرآن لو انزلنا هذا القرآن على جبل لرأيته خاشعا. القرآن زود ايمان الحجر - [00:17:11](#)

القرآن زود ايمان الصخر القرآن زلزل قلب المشرق جبير ابن مطعم راح سمع القرآن والرسول بيصلي بالصحابة بيقول فكاد قلبي ان يطير. القرآن زلزل كيان صنديد الكفر في مكة. لما الرسول قرأ عليهم سورة النجم كله سجد - [00:17:27](#) القرآن يا جماعة قلب حياة الجن. قل اوحى الي انه استمع نفر من الجن. فقالوا انا سمعنا قرآنا عجباً يهدي الى الرشد فامنا به القرآن يا جماعة انما احنا فيه ناس بينا وبين القرآن بين قلوبها وبين القرآن ران بين قلوبها وبين القرآن غيم. بين قلوبها وبين القرآن طبع وقفل. طب نعمل ايه - [00:17:46](#)

تعامل مع القرآن كأنه شفاء للسرطان. كأن واحد عنده سرطان وده الدواء. والله يا جماعة احنا كنا بنتعامل مع القرآن كده. ايام الكلية الواحد كان بيتعامل مع القرآن كده. ان - [00:18:06](#)

انا عندي سرطان وده الدواء بتاعي. ده الدواء بتاعي ده هو اللي ده اللي هيطهر قلبي. ده اللي هيصلحني. ده اللي هينور لي طريقي. ده اللي هيوصلني لربنا. القرآن ده حياتنا يا جماعة. ده - [00:18:16](#)

كل شيه في حياتنا. ده اغلى من حياتنا وروحنا والله العظيم. القرآن ده معجزة اقوى في القلوب من شق البحر موسى. اقوى من عصا موسى اقوى من شفاء الاكمه والابرص والاعمى لسيدنا عيسى. القرآن ده اقوى من طوفان نوح في الاسر على القلوب. القرآن ده اكبر معجزة ربنا - [00:18:26](#)

من السماء الى الارض على الاطلاق. ازاي القرآن ده نزلت في اصلاحه لقلوبنا؟ طب نعمل ايه واحنا بنقرأ القرآن في عشر ذي الحجة

بقى باذن الله. وبعد كده على طول يا جماعة ان شاء الله واحنا بنقرا القرآن هنعمل ايه يا شباب؟ هنعمل ايه؟ واحنا بنقرا القرآن اول حاجة اقرأ بهدف. يعني ايه؟ واحد - [00:18:46](#)

المكتبة قعد يقبل في الكتب. واحد داخل عارف هو عايز موضوع ايه. انت داخل عشان قلبك. اقرأ بهدف تاني حاجة اضبط مؤشر قلبك. ازاي؟ ما تبقاش زابط مؤشر الراديو على الشباب والرياضة. ومستني ازاعة القرآن الكريم. ما تفكرش في الدنيا وانت بتقرا القرآن. طلق - [00:19:03](#)

طلقها بالتلاتة وانت بتقرا القرآن. اضبط مؤشر القلب على الآخرة. تالت حاجة حطم جدار الغفلة. ازاي؟ كرر الايات كرر كرر تقوم تحطم جدار الغفلة حوالين قلبك نور القرآن يدخل. رابع حاجة تعامل مع القرآن على ان هذه الايات قد نزلت اليك الان - [00:19:18](#) جبريل عليه السلام منزلها على قلبك الوقتي لك انت. لك انت كل اية ربنا بيكلمك بها. بيكلمك بها انت. النصيحة الخامسة اقتنص الفرصة لو جت اية يا اختي في الله لقيت قلبك رق فيها اوعي تكلمي. بس بس بس اقفي - [00:19:38](#)

اقفي بقى واقعدي كرري قفوا عند عجائبه. لا قلبك اتفتح هنا هو ده اهي فرصة. قلبك اتفتح عند اية اوعي تضيعي الفرصة دي مفتاح من مفاتيحك. اوعي تضيعي المفتاح الرباني اللي ربنا اداه لك دهوت توصياتنا يا جماعة باذن الله سبحانه وتعالى الليلة هنعمل ايه؟ انا عايز سريعا بس على جنب كده سورة الاخلاص عشر مرات بقصر في الجنة دي على جنب - [00:19:55](#)

اول ما الامة الحلقة تخلص سورة الاخلاص عشر مرات. بعزيمة كده اهي سطر من القرآن بقصر في الجنة. عشر سطور من القرآن بقصر في الجنة. على طول الموضوع خلص. بعد كده يا جماعة - [00:20:15](#)

عايزين ان شاء الله نعزم عزم اكيد ان هنختم المصحف في العشر تيام دول ان شاء الله. فيه بعض الشباب يقول ده صعب اوي والله ما هو صعب. يا جماعة فيه ناس دلوقتي ما بتنامش. فيه شباب وناس - [00:20:25](#)

دلوقتي مقطعة نفسها من العبادة. قوموا اوعوا الشيطان يضحك عليكم. اوعوا الشيطان ينيمكم. اوعوا الشيطان يحبطكم. قوموا. ده غنائم المعركة اعظم مما نتخيل اوعوا تضيعوا غنائم المعركة. قوموا ده حياة وموت. قوموا ده جنة ونار. قوموا يا جماعة. قوموا مش عايزين نام يا اخوان. انت لسه قاعدة؟ انت لسه قاعد بتعمل - [00:20:35](#)

ايه يا ابني! انت لسه قاعد بتتفرج على ايه! خلاص خلاص يلا خلاص قفل بقى قم على القرآن قم على مصحفك. قم على سلاحك في المعركة العظيمة دي. قم عايز - [00:20:55](#)

الليلة تبقى فارس من فرسان القرآن. عايزينك تبقي فارسة من فارسات القرآن زي عباد ابن بشر كده. عايزين انا وانتم يا جماعة نقوم باذن الله سبحانه وتعالى نقوم ننتقل الى الله بقى - [00:21:05](#)

نقوم نبقي الليلة من فرسان القرآن. عايزين قبل حلقة بكرة نبكي لازم تبكي الليلة من القرآن. لازم الليلة تباكي. هات ايات عن الآخرة واجبر قلبك على البكاء. هتلاقي نفسك بكيت في الآخر. البكاء يا جماعة. ونقرا القرآن - [00:21:15](#)

في المسجد ان شاء الله ما ننساش ابدأ جلسة الضحى ما بين المغرب والعشاء. الوقت المناسب نقعد نقرا كلام ربنا في المسجد باذن الله سبحانه وتعالى. طيب يعني باقي ايام العشرة نعمل ايه؟ هنشد - [00:21:30](#)

بقى يا شباب يلا. يلا قومة بقى زي ما الطالب بيطبق ليلتين كده ورا بعض. لما بيكون لسة في اول مذاكرة ايام الامتحانات نطبق الليلة. قم اعمل كوباية نسكافيه. قم يلا - [00:21:40](#)

ايه المشكلة يعني؟ قومي اعملي كوباية كوفي ميكس ولا اي حاجة قومي يلا انشطتي قومي انشطوا يا جماعة. قوموا يلا الليلة ان شاء الله نطبق قراية للقرآن عشان نلحق بقى. عشان نشد - [00:21:50](#)

نلحق ان شاء الله نبقي في ايه في وضع مستقر كده. يعني انا عارف طبعاً ان انا بسخنكم على القراية انا اخيب واحد فيكم. انا لسة في سورة البقرة الوقتي. لسة في سورة البقرة بس ان شاء الله باذن الله - [00:22:00](#)

ان شاء الله ما حدش هيسبقني. ان شاء الله باذن الله. فنقوم باذن الله كلنا ونجتهد ده اسبوع التحدي بتاعتنا بقى. نجيب اخرنا على قد ما نقدر. وبعد ما العشرة يخلصوا ورد - [00:22:10](#)

القرآن اليومي ورد القرآن اليومي. ورد القرآن اليومي. عشان القرآن يجي لك على باب الجنة يقول اقرأ وارتنق ورتل فان منزلتك عند اخر اية كنت ايه ؟ تقرأها. كنت تقرأها. مش قرأتها تقرأها كنت بتقرأها على طول. كان لك ورد سابت بتكرر فيه الايات على طول - [00:22:20](#)

يعني القرآن والاسانسير بتاعنا في الجنة يطالعك ها اقرأ الف لام ميم يطالعك درجة. اقرأ ذلك الكتاب لا ريب فيه ده للمتقين يطالعك درجة في اقرأ الذين يؤمنون بالغيب يطالعك درجة في الجنة. بعد كده تلاقي نفسك وقفت. الله! انا عايز اطلع كمان للفردوس الاعلى. عفوا لقد نفذ رصيدكم - [00:22:40](#)

عندك رصيد. الاسانسير بتاعك عطل لغاية هنا. ما عادش عندك رصيد. الاسانسير بتاعنا عطلان يا جماعة. ده الاسانسير بتاعنا في الجنة. ده المصحف بتاعنا في الجنة. اقرأ وارتنق فان منزلتك منزلتك منزلتكم منزلة منزلتنا جميعا عند اخر اية كنا نقرأها لغاية ما نوصل - [00:23:00](#)

الفردوس الاعلى مع الكتاب ده وان شاء الله بازن الله يا فرسان القرآن. اقول قولي هذا واستغفر الله لي ولكم اللهم اصلح قلوبنا بالقرآن. اللهم ارزقنا تلاوته اثناء الليل وانا النهار. على الوجه الذي يرضيك عنا. اللهم اصلح قلوبنا بالقرآن. اللهم امر حياتنا - [00:23:20](#)

القرآن اللهم اجعلنا من اهل القرآن الذين هم اهلك وخاصتك. اللهم اعنا على تلاوتك وعلى حفظك في صدورنا وعلى فهمه وعلى رب العالمين واجعلنا من اهله. واجعلنا من اهله. اللهم اجعل القرآن العظيم ربيع قلوبنا ونور ابصارنا. وجلاء احزاننا - [00:23:37](#)
وذهب همومنا وهمومنا برحمتك يا ارحم الراحمين. اقول قولي هذا واستغفر الله لي ولكم. سبحانك اللهم وبحمدك اشهد ان لا اله الا انت. استغفرك واتوب اليك. جزاكم الله خيرا. لقاء غدا ان شاء الله - [00:23:57](#)